



E rei di maishi ta den rei

Sharrel "Adjatay" Denisia

Simodato lagué, honor na tur kunuku.

Si, rei di maishi ta den rei.
Watapana sabí ta sombre 'i rei
Mannan ku a forma kapa pa kubri
Ku fé nos tei pone pichibé.

Verso:

Siglo pasá Johan Doran
a sali Sabaneta
ku su trahe sin igual.
Na tank'i Wakawa Eli Sambo
a tuma su inspirashon masha formal.
Tradishon a sigui
Nèt na Herekru m'a tende un stèm
a bisa mi: Mucha at'é batuta.

Promé ku solo baha
bo rei maishi ta den kunuku.
Kunukero yuda mi wak
pa niun bandera un keda atras.

**Koro: Promé ku solo baha
bo rei maishi ta den kunuku.
Kunukero yuda mi wak
pa niun bandera u'n keda atras.**

Si, rei di maishi ta den rei.
Watapana sabí ta sombre 'i rei
Mannan ku a forma kapa pa kubri
Ku fé nos tei pone pichibé.
Nunka duda den bo rei maishi
Ata mi k'e batuta pa defendé kultura
Kòrsou b'a mira awo
Nada nada

Koro: Ta sombra pa protehá Kòrsou.

Koro: Historia a bolbe bini

Koro: Broma bo bai mas leu

Koro: Ta sombra pa protehá Kòrsou.

Koro: Ata mi, mi tei nunka lo mi'n bai.

Koro: Mi tei defendé ku honor.

Koro: Nada u'n keda atras. 4x

#KULTURA365



Si, niun bandera
Mi pueblo u'n por hera

Estribiyo
Sali port'i kunuku

Kabes pa mangazina
Tradishon lo sigui
Historia a bolbe bini
Simodato lagué
Honor na tur kunuku
Ku kara na laira
Wapa drenta kaya
Sali Sabaneta yega te Wakawa
Lora Lirunbé,
ata nos ta Herekru

Koro: Pa no ban

Kek
Luna ku solo laga mi pasa
Ban hunga e wega di ántes pa forma un kapa
Mi tei pa protehá i defendé kultura
Sintí bo liber pa pasa bou sombré di rei
Wapadó tei pasa
Ki bo ta warda
Abo pará na banda
No duda bo tambe bin wapa

Koro: Luna ku solo laga mi pasa. 4x

Koro: Bou di dje

Sali port'í kunuku
Kabes pa mangazina
Tradishon lo sigui
Historia a bolbe bini
Ban ku mi ban
Ban pa nos ban
Ban ku mi ban
Ban pa nos ban

Koro: Pa no ban

#KULTURA365



Nifikashon di letra spesífiko:

- Johan Doran: un legado di seú komo rei di maishi.
 - Elly Sambo: relevo di Johan, pues a sigui su pasonan despues di hopi tempu komo rei di maishi.
 - Simodato lagué: saludo na mama tera.
 - Rei di maishi: un persona ku tabata bisti tur na maishi pa e bai wapa den seú mayó.
 - Watapana: palu di sombra, símbolo di nos planta nashonal.
 - Pichibé: e mihó maishi pa kubri kas. Esaki ta bini pa motibu ku e no ta putri fásil, basta kòrt'é ku luna yen.
 - Herekreu: un parti di e área di Argentinaweg
- Bandera keda atras: ora un tapushi a keda sin wòrdu kòrtá. E ta keda anunsiá dor di gritu di kachu guièrtando e kòrtadó.

Luna ku solo ta un wega di ántes ku nos tur a lanta ta hunga. Mirando ku historia i tradishon a bai i bolbe, a trese esaki bèk. Ilustrando ku na momentu ku forma e kapa di protekshon kontra rayonan di solo, nada no por stroba pa sigui promové nos seú. Asta si tin luna i serena ta kai, ta sigui wapa bai.

#KULTURA365